

郿縣志卷十

雜事志

古蹟

祠墓

災異

兵燹

爲政在務教養卽食德服疇猶且惟日不足而志乘
必及軼事何哉蓋草木臺池猶存昔賢勝蹟斷碑殘
碣足發思古深情莅斯土者固未可漠然置之也夫
尊賢報功俎豆維馨玉樹佳城抔土可貴文文山遊
五賢祠而抗懷韓吏部過田橫墓而致祭曠代相感
名教攸關至天災流行鋒鏑蜩起乃民生意外之慘
司牧者更宜厘綱繆於未雨矣郿志已舉其要而零

星難列專門者仿後漢書雜事之例捃摭於此以備參考焉志雜事

古蹟

沛公壘

按水經注汝水右會董溝水水出沛公壘西六十步許漢高祖入關經此則壘當在汝水南非大劉山也其地今無考

播鼓臺

世傳項羽招兵處上有石室俗呼無梁殿

鉅期宅里

縣治東之光武廟相傳安成侯第也其園在城北大劉山前

鉅期樹

大劉山之前有棟樹生石罅中相傳安成侯手植陵谷遷移樹轉蓊茂人無敢伐者

紀氏臺

在城東北十餘里續漢書曰世祖西征盜賊羣起邳令馮魴爲賊延褒所屈直詣紀氏臺

賊自降帥

此地也

王喬洞

在縣西鳳山洞有石像仝平山云喬爲葉令在顯宗之世其雙鳬東南飛及天下玉棺說

本荒唐却去葉不百里好事者闢地爲洞謂喬嘗隱居於此則益鄙而可笑矣夫喬之事

君子所不道而范蔚宗特著之於史論者譏焉然列於方術之傳庶乎知輕之者耶

龍陂

魏青龍元有龍見於郊之摩陂曹叡幸陂觀龍改名曰龍陂其地今無可考

神龜驛臺

在城西隋開皇初獲神龜其腹文曰天下楊興左有尹字右有月字九州志驛以獲

神龜

故名

唐驛

在長橋鎮岐陽公主入朝至此
唐書渾云道卒事詳樊川集

婆娑園

仝平山云鄉先達崔德符所居也相傳今縣西二十里之查子園卽其處欲卽城中規隙

地爲園寓以婆娑之號而祠公其內刻所論章惇蔡京書於壁使學者誦之亦興起後進

之一端云

釣臺鄉

舊志釣天臺註黃帝事於下子書多喻言難據事實且何以知其必在此處也東坡年譜

所謂釣臺鄉上瑞里者則古蹟昭然也

抱哥灣

義姑抱姪棄子本魯人被齊兵耳與郊無與也豈事有相類者與

黃伯陽洞

在封家莊世相傳伯陽隱此

開平壘

明太祖定中原常開平略地至郊此其遺壘也

雲鳥巢

全平山云蒼谷先生家有皂莢樹大數圍三五百年物也子同自隨州歸構巢其上其制下爲石磴八級轉登至幹又爲木梯八層徑上至枝枝橫挈直起如輻如柱施棖鋪板板

上築以灰雜以沙石堅平如砥圓如車輪榱
上枝大者如梁棟葉穠如結茅比如甃瓦遠
望樅如亭分列八方有欄欄內置坐坐可
容三賓中虛丈許去地倍之下復環樹置八
席請以八卦其規制小巧蒼谷所不爲然非
胸有邱壑者不能辨視世之峻宇雕牆碧窗
朱拱而貯醯醬坐屠沽
者其清濁何啻天淵也

金石

朱長明等造象記

正書後齊
武平四年

宇文善等造象記

正書後周
無年月

王思慶等造象記

正書唐上元二年
七月在石佛寺

石佛寺王思恭等造石浮圖銘

正書唐景
雲元年

蒼谷寺陀羅尼經石幢

正書唐太和八年三月有匠人楊元慶名

郊行詩

蘇軾撰正書宋無年月

蘇帖

正書在東南城隅劉公祠邑令張篤行蘇帖記
事云郊舊有三蘇祠甲申歲劇盜吳宗聖等發
其塚至底無所見老泉先生以藏衣冠處獨免
周元柏百有八十株悉伐去丙戌秋余來合郊
卽購賊棄諸市明年上已余往祀一路荒涼因
口占一絕曰蛾眉遙望倍愴情樹盡碑殘野草
生莫道荒村烟火絕山家今日是清明去墓半
里一廢塚誌石外露則東坡先生孫婦余疑曰
兩先生之遺骨其在是與何盜所伐者無所見
也古人或多智耳遂命土人種柏數百而還是
夕夢一青衣曰東坡公遣使致謝余曰東坡何
在曰在臨汝君至彼可得見也至仲秋有事臨
汝忽有青衣款門遺余一卷卽夢中所見人也
及開卷乃東坡先生真蹟余驚異良久始悟前

所謂至臨汝可見者卽此是也
也因勒諸石並誌其事於後

重修北極觀記

鈕撰楊孝則篆額并
正書金大定八年九月

普照禪院勅牒碑

正書金貞祐
二年十月

題二蘇墳詩

行書金無年月武虛
谷考爲貞祐間刻

二蘇神道碑

題曰眉山兩蘇先生
神道元虞伯生書

重修福嚴院記

老人撰沙門禎
正書元元貞元年六月

昭陽觀淳真抱樸大師杜公碑

方珏撰程璧正書碑
陰正書元大德二年

三月在城西

街昭陽觀

汝州郟縣記

苑溟撰劉思孝正書碑陰正
書元大德十年八月在縣署

郊縣廳壁記

劉思孝記正書元大德十年九月在縣署

縣記

正書元延祐六年五月在縣署

鞏國武惠公哈刺解碑

鄧撰趙孟頫正書元無年月在城西湧泉保

武惠公祭田記

汪灝撰忽欲里赤正書無年月

玉陽觀仙縷續產誅碣

正書碑陰正書元泰定三年九月在城內

主簿孔公遺愛碑

曹師可撰賈彬正書元泰定四年十二月在縣署

洪福寺碑

張惟遠書元致和元年

興節像容碑記

孫友仁撰蘇永正書元至順元年五月

邾城縣扈澗碑

正書存僅數字武虛谷考爲元至順元年在縣署

創建關王廟碑

趙德誠撰并正書
元至順三年三月

修蘇墳符

正書元至順三年三月在蘇墳

加號至聖文宣王碑

忽欲里赤撰孫友仁正書碑陰
正書元至順三年四月在文廟

重修邳縣公廨記

曹師可撰賈彬正書元至
正十一年九月在縣署

三蘇先生祠堂記

曹師可撰賈彬正書碑陰正
書元至正十二年在蘇墳

王平山先生墓表

康海撰王同
正書在平山

何大復帖

明大復與蒼谷先生爲如家有集九梅亭
訪九梅翁二詩墨蹟九梅翁姓周氏蒼谷

之外舅也其家刻之石
今藏寶豐泰錫田家

雲鳥巢碑

明王同草書今在城
內生員白協後圃

陽山碑 宋儀望草書碑陰草書在城內明嘉靖癸丑春三月

祠墓

三賢祠 在城北門內嘉靖中知縣熊鳳儀建祀漢臧宮銚期唐馬燧春秋二仲祭咸豐八年州同

馬殿功復倡修焉

北賢祠 在崇正書院

三蘇祠 一在崇正書院一在縣西薛店北元至正間知縣楊允建今廢一在小蛾眉山道光二年

督學吳巢松慈鶴按臨汝州便道謁祠因檄縣令重修李公虎臣捐廉相倡董其事者貢

生張振聲監生李坦然實始終勤慎焉每歲春秋官致祭

三公祠 在城東門內嘉靖中知縣陳範建祀巡撫原杰巡道王洙汝州兵部侍郎滕昭也汝州領

西縣舊隸南陽府山路險遠暑雨祈寒民甚
苦之成化中改直隸布政司三公有力焉春
秋二仲祭咸豐四年貢生丁
自新武生王朝紳復倡修焉

李愚菴先生祠

在薛家村先生墓前蒼谷先生所建
題曰平生不怨西山俄萬古難逢北
海清又曰立朝師道傳
當世真隱餘風仰後人

王平山先生祠

在東郭外

王蒼谷先生祠

在西郭外

御史周公祠

在東郭外

解元姑射全先生祠

在東街順治十八年邑人公建

賢令祠

在崇正書院祀有功於書院者

趙公祠

名應元祠在東門外

許公祠

名樂善祠在西門外

王公祠

名璽祠在三公祠內

程公祠

名大猷祠在西門外

解公祠

名經傳祠在西門外

李公祠

名貞佐祠在西街春秋二仲祭

張公祠

名篤行祠在東門內

卜公祠

名永昇祠在開化寺右

徐公祠

名鳳鳴祠在城東八里營

盛公祠

名彥祠在布政分司左今廢

鍾公祠

名有聞祠在四里營

張公祠

名震維祠在東關外

張典史祠

名文成祠在三公祠之側

劉公祠

名盡祠在城東南隅

義士祠

在李家樓祀旌表義士李台三桐城方靈臯
苞題云一生高誼齊嵩嶽千載芳名徧汝墳

報功祠

陳公學淳獨修城垣邑人德
之故立祠祠在城東南隅

昭忠祠

在塚兒鎮咸豐七年建
祀堵剿捻匪死事者

薄姬墓

全平山云舊志漢薄后郊人墓在縣東三十里按漢書薄后父吳人也與故魏王宗女通生薄后后崩以呂后故不合葬長陵自起陵文帝霸陵南曰南陵霸陵在長安之東南正史昭然可考不知向來何以沿誣不辨也

北平王墓

在城南門外

趙矜墓

矜爲襄陽丞葬郊期城柳子厚志其墓見柳集

蘇墳

全平山云金史謂二蘇及東坡之子過皆葬於邨之
小蛾眉山其地宋所謂釣臺鄉上瑞里也元邑令楊
允作老蘇衣冠葬其上號曰三蘇墓迨其後兵亂相
尋墓爲狐兔穴松柏盡於斧斤州守元叔儀遺山子
也爲之封樹監縣忽欲里赤爲之神道碑守土者於
崇奉先賢固其職也正德中邑人王方伯建石表墓
前書東坡獄中寄子由是處青山可埋骨他年夜雨
獨傷神之句讀者壯而悲之崇禎末土賊吳宗聖發
其塚大木悉伐去

國朝順治初邑侯張篤行始復爲封樹且立老蘇碑主簿
喬鉢又得蘇遲妻梁氏誌銘於墓穴拾其骨具衣冠
葬焉子由墓西有墓四梁氏墓北有墓一不知葬何
人過之骨豈在此五墓中與

韓復墓

復字辨翁陵州人爲朝奉郎通判涇州有田於葉遂
爲葉人卒葬邾城之原黃山谷志其墓云不羹之西
潁川之邾卜宅固安昌而後葉見宋史

元榮祿大夫平章政事鞏國武惠公墓

在城西

末赤墓

元濟南冠州萬戶府千夫長翼監末赤耐滿氏葬邾

紫雲山字朮魯翀爲之銘見中州文集

李公墓

在城南門外

李愚菴先生墓

全平山云在縣西五十里之薛家村蒼谷王公所謂
下塔亭南八畝墳者也今耕犁已至墓巔矣碑亦爲
大風所折急以鐵束之而覆亭其上尙可歷百年不
壞也